



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Vt nullus post poenitentiae actionem ad militiam secularem redire debeat.  
lxvi.

**urn:nbn:de:hbz:466:1-10722**



iam non laborat. Permittit tamen dominus laborare eos suos, vt remeorentur tribulationum laboris, vnde semetipfos custodiant, timentes ne tantos labores amittant. Nam & filios Israël ideo Deus per desertum quadraginta annis circuduxit, vt rememoratis tribulationibus non redirent retrorsum.

*Vt nullus episcopus seu presbyter alterius pœnitentem sine literis sui episcopi suscipiat. Cap. LXII.*

*Ex epist.  
Fœlicis pa  
pa, ca. 2.*

**C**urandum verò maximè & omni cautela prævidendum, ne quis fratrum coepiscoporumque nostrorum, aut etiam presbyterorum in alterius ciuitate vel diocesi pœnitentem, vel sub manu positum sacerdotis, aut eum qui reconciliatum se esse dixerit, sine episcopi vel presbyteri testimonio, & literis, ad cuius pertinet parochiam suscipiat.

*Vt pœnitentes secundum canones nisi per acta pœnitentiam communicare non debeant. Cap. LXIII.*

*Ex decre.  
Py papa,  
cap. 2.*

**P**œnitentes non debent communicare ante confirmationem pœnitentiæ.

*Quod pro ethnico & publicano sit habendus, qui pro peccato commisso pœnitere noluerit.*

*Caput LXIIII.*

*Ex dictis  
August.*

**E**rga eum qui pro peccato commisso non pœnitentem esse debemus, sicut dominus præcepit dicens: *Sicut tibi sicut ethnicus & publicanus, & sicut Apostol. iubet. Subtrahite, inquit, vos ab omni fratre inordinate ambulante, secundum traditionem quam tradidi vobis.*

*Quod à licitis se abstinere debeat, qui illicita se commississe meminerit. Cap. LXV.*

*Ex dictis  
Gregor.  
papa.*

**Q**ui se illicita meminit commississe, à licitis etiam studeat abstinere: quatenus per hoc conditori suo satisfaciatur, vt qui commisit prohibita, sibi in eis abscindere debeat etiam concessa.

*Vt nullus post pœnitentiæ actionem ad militiam secularem redire debeat. Cap. LXVI.*

*Ex episto.  
Leonis pa  
pa, ca. 25.*

**C**ontrariū est omnino ecclesiasticis regulis, post pœnitentiæ actionem redire ad militiam secularem. Cuius Apostol. dicat: *Nemo militans Deo, implicat se secularibus*



negociis. Unde non est liber à laqueis diaboli, qui se militia mundana voluerit implicare.

De illis qui relicto religionis proposito ad seculum redeunt. Cap. LXVII.

**H** qui post sanctæ religionis propositum apostatant, & ad seculum redeunt, & postmodum pœnitentiæ remedia non requirunt, communionē non accipiant sine pœnitentiā, quos etiam iubemus ad clericatus officium non admitti, & quicumque ille est post pœnitentiā habitum secularem non præsumat. Quod si præsumperit: ab Ecclesia alienus habeatur.

Ex cœcil. Arelatē si, cap. 3.

Quod nullus religiosus & sanctus careat peccato.

Caput LXVIII.

**N**ullus sanctus & verus caret peccato: nec tamen ex hoc definit esse iustus vel sanctus, cum affectu teneat sanctitatem. Non enim naturæ viribus, sed propositi adiumento per Dei gratiam acquirimus sanctitatem: & ideo veraciter se omnes sancti pronunciant peccatores: quia in veritate habent quod plangent, & si non reprehensione conscientiæ, certè mobilitate, & mutabilitate præuaricatricis naturæ.

Ex dictis August.

Ut penitentes à conuiujs & ornamentis abstinere debeant. Cap. LXIX.

**Q**uod penitentes à conuiujs & ornamentis, atque alia veste abstinere debeant, & discordes pellantur ab Ecclesia, donec ad pacem redeant.

Ex decr. Lucyp. p. cap. 5

presbyter penitentem non reconciliet, nisi episcopus eius suus iubeat. Cap. LXX.

**V**t presbyter non interrogato episcopo non reconciliet penitentem, nisi absentia episcopi, necessitate compellente.

Ex cœcil. Africa. cap. 30.

Nullus ex Ecclesiastico ordine per manus impositionem remedium accipiat pœnitendi.

Caput LXXI.

**A**lienum est autem à consuetudine Ecclesiastica, ut qui in presbyterali honore, aut in diaconij gradu fuerint consecrati: hi pro crimine aliquo suo per manus impositionem remedium accipiant pœnitendi. Quod sine dubio ex apostolica traditione descendit, secundum quod scriptum est: Sacerdos si peccauerit quis orabit pro illo: Unde

Ex dictis August.

Ex decr. Leonis p. ad Rusli c. 16.